



PRITVOR !

OPĆINSKI SUD U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačka i), i člana 241. Zakona o krivičnom postupku Federacije Bosne i Hercegovine, **p o d i ž e m:**

O P T U Ž N I C U

Protiv:

1. **ŠVRAKIĆ TARIKA** rođen 1992. godine, nastanjen na adresi u ulici, po nacionalnosti Bošnjak, državljanin BiH, sa završenom srednjom školom po zanimanju ugostiteljski tehničar, zaposlen, razveden otac dvoje malodobne djece, loše imovnog stanja, JMBG:, osuđivan presudom Općinskog suda u Sarajevu roj 65 0 K 962905 2 K pravosnažna dana 11.01.2024. godine po članu 222. stav 2. u vezi sa stavom 1. KZ F BiH na kaznu zatvora u trajanju od 8 (osam) mjeseci, uvjetno 2 (dvije) godine, nalazi se u pritvorskoj jedinici KPZ Zenica po rješenju Općinskog suda u Sarajevu od 19.07.2024. godine a koji pritvor može trajati do 19.09.2024. godine ili do druge odluke Suda.
2. **TADIĆ JANA** rođena 2000. godine, sa adresom prebivališta u ulici, državljanka BiH, po nacionalnosti Bosanka i Hercegovka, sa završenom VSS, po zanimanju diplomirani arhitekta, nezaposlena, neudata, bez djece, srednjeg imovnog stanja, neosuđivana, JMB:,

Što su :

Švrakić Tarik

Pod Tačkom 1:

Dana 20.06.2024. godine, u Sarajevu, oko 23:00 sata u ulica Tabaci, Općina Stari Grad iako svjestan da pucanjem iz vatrenog oružja može izazvati opasnost po život ljudi i time teško tjelesno ozlijediti drugog, što je i htio, po dolasku na parking prostor "Telali" na kojem se nalazio K.H., bez ikakvog povoda i razloga, počeo provocirati K.H., a kada je K. od njega zatražio da ide kući, iza pojasa izvadio je jedan pištolj marke HS, serijskog broja, model, kalibra 9x19 mm kojeg je repetirao u pravcu K.H. a potom prišao K.H., i tim pištoljem udario K. u glavu u predjelu lijevog

uha, nakon čega je ispalio jedan hitac u pravcu lijeve nadkoljenice K.H., nanijevši mu na taj način teške tjelesne povrede opasne po život u vidu prostrijelne rane lijeve nadkoljenice, presijecanje lijeve natkoljenične arterije, presijecanje lijeve natkoljenične vene, natučenje sa oguljotinom kože lica sa lijeve strane, oguljotina kože lijeve uške, nakon čega se uputio u ulicu Halači, Općina Stari Grad, gdje je Tadić Jani predao navedeni pištolj.

Pod Tačkom 2:

Dana 20.06.2024. godine, u Sarajevu, oko 23:00 sata u ulica Tabaci, Općina Stari Grad, svjestan zabranjenosti radnje i htijuci njeno izvršenje, kod sebe, protivno odredbama člana 7. stav 3. Zakona o nabavljanju, držanju i nošenju oružja i municije Kantona Sarajevo ("Službene novine Kantona Sarajevo", br. 1/2018, 13/2018 - ispr. i 30/2019), bez odobrenja nadležnog organa, kod sebe držao vatreno oružje-pištolj marke HS, serijskog broja, model, kalibra 9x19 mm sa pripadajućim okvirom u kojem se nalazilo 2 (dva) metaka kalibra 9x19 mm,

Tadić Jana

Pod Tačkom 3:

Dana 20.06.2024. godine, u Sarajevu, oko 23:22 sata u ulici Halači, Općina Stari Grad, svjesna da svojim radnjama prikrivanja oružja i tragova pruža pomoć Švrakić Tariku što je i htjela, od Švrakić Tarika preuzela vatreno oružje – pištolj marke HS, serijskog broja, model, kalibra 9x19 mm sa pripadajućim okvirom u kojem se nalazilo 2 (dva) metaka kalibra 9x19 mma koji pištolj je isti prethodno upotrijebio za izvršenje krivičnog djela u ulici Tabaci, na štetu K.H., pucajući iz navedenog pištolja i nanijevši mu povrede, na način da je isti stavila u svoju torbu te se sa pištoljem udaljila sa lica mjesta odnijevši ga svojoj kući u ulici, Općina, koji pištolj je po pozivu ovlaštene službene osobe MUP-a KS, dobrovoljno predala.

Dakle,

Švrakić Tarik, izazvao opću opasnost za život ljudi pucanjem iz vatrene oružja kojom prilikom je jedna osoba teško tjelesno ozlijeđena, te bez odobrenja nadležnog organa držao vatreno oružje i municiju kada je za nabavljanje istih potrebno odobrenje,

Tadić Jana pružala pomoć učinitelju krivičnog djela za koje se može izreći kazna zatvora pet godina ili teža kazna prikrivanjem oružja i tragova,

Čime bi Švrakić Tarik pod Tačkom 1. počinio krivično djelo Teška krivična djela protiv opće sigurnosti ljudi i imovine iz člana 328. stav 1., u vezi sa članom 323. stav 1. Krivičnog zakona Federacije Bosne i Hercegovine, pod Tačkom 2. počinio krivično djelo iz člana 74. stav 1. tačka a) Zakona o nabavljanju, držanju i nošenju oružja i municije Kantona Sarajevo ("Službene novine Kantona Sarajevo", br. 1/2018, 13/2018 - ispr. i 30/2019) a sve u vezi sa članom 54. KZFBiH,

Čime bi **Tadić Jana** pod Tačkom 3. počinila krivično djelo Pomoć učitelju poslije učinjenog krivičnog djela iz člana 346. stav 2. u vezi sa stavom 1. KZFBiH.

2. U smislu člana 151. stav 1. ZKP-a FBiH podnosim:

**PRIJEDLOG ZA PRODUŽENJE PRITVORA OSUMNJIČENOM ŠVRAKIĆ TARIKU
NAKON POTVRĐIVANJA OPTUŽNICE**

zbog postojanja osnovane sumnje da je osumnjičeni počinio krivično djelo Teška krivična djela protiv opće sigurnosti ljudi i imovine iz člana 328. stav 1., u vezi sa članom 323. stav 1. Krivičnog zakona Federacije Bosne i Hercegovine,

Sa prijedlogom da Općinski sud u Sarajevu prema osumnjičenom Švrakić Tariku produži mjeru pritvora u trajanju od 2 (dva) mjeseca zbog posebnih pritvorskih razloga iz člana 146. stav 1. tačka c) ZKP F BiH.

Kantonalni tužilac